

Fobitro Injil Shorif 25 nombor sifara tisra Hannan Forisiti

Alla Pakor hukume Hozrot Isa al-Mosir sahabi Hozrot Hannane (ra:) siṭir aḳare ou sohifa leksoin. Lekar ḳalo tan nam na ḳoia ḳali 'hou murobbi' ḳoia forisoe disoin. Hozrot Isae dunia taki behesto toshrif neoar onunān 50-60 bosor bade ikan lekā oise. Ikan oilo tan lekā tin nombor siṭi, asta Injil shorifor maze hoḳol taki huru sifara.

I sohifaḳan Gous namor eḳzon mumin bair gese leksoin, ou baie kub memandari ḳorta, tain eḳzon fakka imandar asla. Ar Ditrif name ek kobis beṭa asil, he netagiri ḳoria zomatre doḳol ḳorto saise, lekoke tar birudde hushiari disoin.

Ou sifarar 11 aeato ase, "Ze manshe nek kam ḳore he oilo Allar bonda, ar zegie bod ḳam ḳore, he to Allar doroshon faise na."

Ermaze ase,

- (1) Hozrot Gousre salam ar tarif *1:1-8 aeat*
- (2) Bonḳo Ditrifor netagiri ar Dimitri bair shunam *1:9-12*
- (3) Bidaei salam *1:13-15*

Hozrot Gousre salam ar tarif

¹ Allai hokor ḳatire ami zare mohobbot ḳori, amar maear dust Gousor gese, ami hou murobbie ita lekram.

² O maear dust, ami dua ḳoriar tumar hokkolta zanu shotik babe sole, aro saiar tumar dil zela

bala tumar shoril-gotro zanu ola bala taḩe. ³ Tumar oḩan taki ḩoezon mumin bai aia ḩoila, Allai hokor befare tumi bule mozbut aso, ikan hunia ami kub kushi oisi. ⁴ Amar aolad oḩol Allai hokor fote solra hunia kushi lager, ikan taki boḩo ar kunu kushir ḩobor oe ni?

⁵ O maear dust, tumar osina hou musafir baiainre zela ḩezmot ḩorso, ita to ḩaḩi muminor ḩam. ⁶ Tumar maea-mohobbotor ḩota tara zomator huru-boḩo hoḩolor samne ḩoise. Oḩon Allar kushi mafik tarare sohi-salamote faḩanir bebosta ḩori deo, te aro bala oibo. ⁷ Tara ḩali al-Mosir tobliglo baroisoin, torikar baira manshor ges taki kunu shaijjo loisoin na. ⁸ Erlagi ou laḩan manshore shaijjo ḩora zorur, zate hok kamo amra-o shorik taki.

Bondo Ditrifor netagiri ar Dimitri bair shunam

⁹ Ami age zomator gese eḩan siḩi lekḩlam, oile ḩobis Ditrife zomator netagiri ḩorto sae, erlagi he amrar ḩota hune na. ¹⁰ Oḩon he zeta ḩorer, ami aia hari ita hoḩolre zanaimu. He amrare ingsha ḩoria bout misa bodnam roḩaise. ḩali ikan nae, mumin kunu baire he maner na, ar oinno zera manto sae, tarareo bada der, emonki zomat taki bar ḩori der.

¹¹ O maear dust, tumi bod ḩamor ḩoreḩi na douḩaia borong nek kam ḩoro. Ze manshe nek kam ḩore he oilo Allar bonda, ar zegie bod ḩam ḩore, he to Allar doroshon faise na. ¹² Zano ni, hoḩoleu Dimitri bair shunam gaira, emonki shoeong Allar hokeo en tarif ḩorra. Amra-o en tarif ḩorram, ar tumi to zano, amrar mukor ḩota hasa.

Bidaei salam

¹³ Baire, tumar gese leḡar boutta asil, oile ḡolome-ḡalie hoḡolta leḡram na. ¹⁴ Asha ase, kub zoldi tumar loge deḡa-shakkat oibo, ou shomoe mukamuki hoḡolta gof ḡormu. ¹⁵ Tumar dust oḡoleo tumare salam zanaisoin. Amrar hoḡol bondu-bandobre salam zanaio. Assalamu alaikum.

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 22 Feb 2024 from source
files dated 29 Jan 2022
2eb27397-6d35-5c13-b811-aecd7920507c